

Sumtuah Tuarnak Pekmi (Stimulus Check) Thuhla

Lietlunpi pulnat COVID-19 nathrik dokirsalnak ding hrangah, rampi acozah ih tuahmi “Sumtuah Tuarnak Pekmi” asilolen “Bawmnakpaisa Check” cu a hnuailam ih sumlut zate’n danglamnak zoh in mipi hnenah pek ding asi. Pekding zat cu upa hrangah \$1,200, silolen siah (tax) file tlangtu nupa hrangah \$2,400. Nauhnak nei mipakhat ah \$500 an ngah ding. Ahmaisabik bawmnak pekmi checks cu April 13th zarh ah khan pek an si zo. Ahmaisabik bawmnak paisa check ngahtu pawl cu IRS hnenih direct-deposit tuahtu pawl ansi. Sumlut malnei leh acozah ih kumupa bawmnak (Social Security Beneficiaries) pawl cu, zarhhnih hnu asilolen thlakhat hnu lam lawngah check ngah leh ding an si.

Zopawl si “Sumtuah Tuarnak Pekmi” bawmnak an ngah thei ding?

U.S. rammi asilolen ramsungum ramdang mi pawl, zopawl tilen:

- Social Security numbat neitu pawl,
- Mahten um ka si ti’n midang siahpetu (taxpayer) pawl hnen ah ringawthei lo tu (could not be claimed) pawl, culen
- Sumlut neitu zate’n danglamnak in (mipum pakhatah sumlut zate’n \$75,000 hnuai neitu cun \$1,200 , innsang sungtel zaten sumlut \$112,500 leh nupa siah (tax) file tlang tu pawl cun, mipum pakhat ah \$1,200 an ngah dingih mipum pahnih ansi cun \$2,400 an ngah ding. Kombet in, nau nei minung pakhat ah \$500 an ngah bet ding).

Atamsawn siahpetu (taxpayers) pawl cun ziahngman tuah tullo in “Sumtuah Tuarnak Pekmi” an ngah dingih cumi sungih telpawl cu:

- Rampi acozah hnenah 2018 asilolen 2019 ah bulpak in siahpeknak tifel zotu (tax filed zo tu) pawl (Direct-deposit asilolen catlap check pakhatkhat in raktuah zo tu pawl)
- Bulpak kum upa cawlbannak ngahtu (Social Security Retirement), harsa bawmnak, damlo bawmnak (Social Security Disability Insurance) ngahtu pawl
- Bulpak kum upa cawlbannak ngahtu tlanglenghnatuan tu pawl

Bawmnak ngah theinak ding hrangah mihrekkhat pawl cu hminsinnak cazin peknak (register) tuah ta a tul. Cupawl cu:

U.S. rammi asilolen ramsungum ramdang mi pawl, zopawl tilen:

- Sumlut zate’n \$12,200 luan nei lo tu pawl (Nupa in \$24,400) 2019 ah luan nei lo tu pawl
- Rampi acozah hnenah 2019 kum hrangah siahngahsal (Tax Return) tuahtul lo leh, tuah tum lo tu pawl

Tui sumpai bawmnak ngah thei ding hrangah hminsinnak cazin pek tul na silen, awlsam zetin nathuhla zate pawl cu IRS website ihsin paisa cemtul lo in na pe thei asi. Napek mi nathuhla zoh in an hrihfiah theh hnu ah sumtuah tuarnak pekmi bawmnak na ngah zatcu an lo kuat

leh ding. Na pek tul mi nathuhla pawl na pektheh hnu cun zianghman na tuah bet a tul nawn lo. Hminsinnak cazin (register) pektheinak website cu:

<https://www.irs.gov/coronavirus/non-filers-enter-payment-info-here>

Humhimnak thuhla hrangah, IRS pawlin bawmnak sumpai pek an si hnu ni 15 suangah siahpetu (taxpayer) hnen ih netabik umnak inn (address) an thei mi ah ca an kuat ding asi. Cakuat suangih atel mi thuhla pawl cu ziangtin bawmnak kan pekih kan tuah ti mi, bawmnak ngah lo leh a hlo pang asi len ziang tin tuah ding ti mi thuhla pawl an si. Mibum pawl hnen ihsin bum ton lo nak ding hrangah IRS pawl in IRS.gov lut in siahpetu (taxpayer) pawl in ca kuat ngahmi cu hrihfhah nak nei ta ding ah duh saknak an nei asi.

Mibum hmang (scam artists) pawl in sumtuah tuarnak pekmi (economic impact paymanet) hmingpu in bulpak thuhla le sumpai ruk/fir tu an um theu ruangah IRS pawl in siahpetu (taypayers) zaten ralring cio dingah an sawm asi. Thei dingmi cu, sumtuah tuarnak pekmi (economic impact payment) thawn pehpar aww in, IRS pawl in phone an lo ko lo ding, catawi (text) an lo kuat lo ding, email an lo kuat lo ding asilolen social media ah nangmah bulpak thuhla asilolen bank account thuhla tivek pawl an lo dil lo ding. Culawng silo in, email ah sumtuah tuarnak pekmi (economic impact payment) thuhla vek bang in a pehtlai mi thuhla (attachment) asilolen links a thlengmi pawl tla ralring cio ding asi.

Bawmnak pekmi thuhla leh hminsinnak cazin (register) thuhla thawn pehpar aww in bawm tul na si pang len, Burma Center's Falam phone line 269-888-3635 ah Tlawngkai Nikhat ihsin Tlawngkai Ninga tiang 9am ihsin 5pm tiang nan rak ko thei ringring asi.

Thuhla dang thei naduh bet asilen hitawk suangah zohbet thei asi :

<https://www.irs.gov/coronavirus/economic-impact-payments>

<https://www.irs.gov/coronavirus/economic-impact-payment-information-center>



